

DEO OPTIMO MAX.

141

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS

manè discutienda, in Scholis Medicorum, die Jovis octavā
mensis Januarii, anno Domini M. DCC. L.

M. CAROLO PAYEN, Bibliothecæ Facultatis Præfecto,
Doctore Medico, Præside.

An mente motis multam Sanguinem detrabere conducat?

I.



UOTIES ortus idæarum non respondet externis causis, sed internæ cerebri dispositioni, unā cum judicio, animi affectu, motuque sequentibus; ideoque turbatur, languet, aut depressa fatiscit cuique hominum concessa divinitus facultas illa rationalis, quæ cogitat & vult: toties hunc mente moveri dicitur. Ut autem variæ sunt mentis operationes, sic & illarum emotionum diversæ sunt species, in hoc uno semper congruentes, quod supponant omnes intus mutatam & afflictam naturalem cerebri dispositionem. Summa hæc varietas à garrulitate ad taciturnitatem, à stupiditate ad fatuitatem, à mœrore & morositate ad hilaritatem nimiam, ab impudenti jactatione ad catochen, ab agrypnia ad lethargum, ab apostitiâ ad effrænem cibi alicujus appetentiam, à memoriâ læsâ ad omnimodam oblivionem, à melancholiâ ad maniam tyriodem; à levi, obscurâ & fugaci desipientiâ ad delirium, imò ad ferocem & truculentam phrenitidem, per multa discrimina acri judicio perpendenda procedit. Morbi naturam, speciem & causas revelant signa antecedentia, concomitantia: quin & ad diagnosim confirmandam non minor est quàm ad prognosim supervenientium energia; simulque collecta cogniti curationem disponunt & ordinant. Animadvertendum igitur sedulò; quinam humor prædominans ægri temperamentum constituat? Quânam intemperie laboret? An à præfervidâ & inflammatoriâ solidorum diathesi; accensis ne ab humoribus aut adustis, utrum à nervis ipsorumque principio exsiccatis, lentore ve infarctis, remollitis atque torpidis, affectio illa oriatur? cuinam morbo illud symptoma comes addatur? Quânam ipsius periodo appareat? Perspecta denique passionis illius mansuetudo, opportuna brevis, contumax pertinacia; instantis criseos cum ipsâ affinitas, hujus potentia, gravioris alterius symptomatis præsentia vim habent indicandi, num ab illâ turbatione aliquid timendum? An & quod usque sibi relinquenda sit? Quânam arte, quibus auxiliis veniat compescenda? Num illius post habenda cura?

I I.

QUÆ LIBET mentis alienatio tum lenis & obscura, tum vivida & furens tardis aut celeribus morbis annumerabitur ratione temporis; sedis verò & in-

A

sultus vel idiopathica erit cerebro vel sympathetica. Quarum causas antequam assignemus, cum Galeno eos insanire dicemus, qui citra febrem desipiunt: phrenitici autem, qui cum febre, crocydismo sive carphologia, parvo pulsu ac denso id patiuntur. Cæterum ubique aderit pro diversâ causâ acceptione & explicatione aut juxta antiquos phlogosis, id est, morbus siccus & calidus, qui nihil aliud erit quàm simplex intemperies ignea, calor hæticus, quo partes corporis veluti peruri atque ignescere videbuntur; aut si mavis cum Sydenhamio solis motibus sensiferis credenti & attendenti erit spirituum ataxia, & entium illorum penè immaterialium per cerebrum, nervos nerveasque partes inordinata (1) concursatio. Hæc enim intus susceptâ labe excitabitur, quò pervadere & permeare possunt venenorum quorundam dira subtilitas, ut & mialmatum pestilentium (2) per aëra volitantium vel ex internâ mephiti exhalantium stimulus indefinenter lacessens. Peccantes quoque nimîâ mobilitate, fixitate, densitate, nonnumquam viscositate, inertia, atque, ut ita dicam, vappiditate iidem spiritus, alijsmodi mentis errores producent. Pariter justò frequentius exhaustis cujuscumque generis evacuationibus deficientibusque iidem moribus nec iussa reëctricis animæ percipere, nec suos sensus expromere valebunt homines: non constabunt mente. Erit etiam ad alienationis decernenda incomodæ, & decernendas insanias affluentibus aut irruentibus circa sensorium commune & ad partes ei respondentes humoribus suis activitatis gradus, sua efficacia, tùm suâ copiâ premendo & gravando, tùm suâ præsentia infarciendo, denique suâ qualitate molestando. Idcirco quò densius pars quædam nervi staminibus erit congesta, eò certius, citius, vividiusque ab eâ incendium, vastatio, & ruina propagabitur ad cerebrum nervorum principium & originem. Ex recensitis hisce causis seorsim sumpris, & ex ipso plurimum concursu deducuntur indicationes morbo debellando pares. Quibus copiosæ sanguinis detractionis effectus an ad amissum respondeant investigandum habemus?

I I I.

ADEO incertæ sunt derivationis & revulsionis in humano corpore leges; (3) tam lubricum est iter per experimentorum ambages & physicæ ministeria; tam sæpè invenit sibi ipsi natura vias, non ex cogitatione, ut præter depletionis beneficium parum sit à sanguinis missione sperandum præsidii. Non felicius Harveo duce & auspice naturæ conamina ars æmulari. E sectâ venâ profusus sanguis, ligaturarum, cucurbitularum, scarificationum aliorumque revellentium externorum vices non supplet, dum vires enervat, frangit & dissipat magis, sicque stagnationes adauget. Revera ortæ ab affluxu & morâ sanguinis solidorum stricturas poterit laxare & solvere; sed irrequietos stimuli aculeos nullatenus obundet, ipsum non dimovebit. Inquinatos humores non extrahet, non mutabit in melius. Ad disgregationem tendentibus nova fræna non injiciet, nec pristina vincula constringet arcibus. Putredinis tetros halitus non suffocabit. Nimia spirituum levitatis, nisi substricto ipsorum pabulo, proindeque cum totius vitæ dispendio, obviam non ibit. Lentos & inertes spiritus non suscitabit, non promovebit; non recreabit vappidus, non exacuet. Canales quos aluit sanguis, quasi corticem nostri corporis compaginant, & hominem quendam exteriorem componunt. Quo pacto, quibus mediis, quâ commercii lege illius effluxus in tantâ distantia posset succurrere ærumnis & angoribus hominis alterius interioris tam acutè à Sydenhamio excogitati, ab eodem tam graphicè delineati, à Boerhaavio semper cum admiratione decantati. Frustrâ adversus calorem nimium illud auxilii genus adhibetur, quod sit potius extinctio quædam & dissolutio caloris nativi quàm refrigeratio. Fidem faciunt extrema pulsuum diminutiones & ipsa nonnumquam, nisi cautè advertatur mors inopinata, Tanta est per profusam eam evacuationem facultatum omnium virumque prostratio. Certè præstigijs non humanæ arti confidat necessum est, quisquis sanguine affatim educto mederi morbo præsumit, quem periculosiorem invehit sanguinis profluvium.

(1) Asclepiadæ apud Carl. Aulæ acut. morb. lib. 1. cap. 14. p. 37. Edit. Lugd. in-8°. 1569.

(2) P. Alpini de med. Ægypti lib. 1 cap. 13. p. 25. & de Med. method. lib. 7. cap. VI. p. 395. Edit. Lugd. Bat. in-4°. 1719.

(3) Vid. Solano de Linque in lib. I aphor. videri appol. p. 2. Edit. VI. p. 269. & seq. & alios.

Juvat etiam referre veteres Medicos cautos valdè olim & circumspectos fuisse in sanguine (phreniticis præsertim) mittendo; ita ut Asclepiades, Cello teste, dixerit, *phreniticis sanguinem mitti perinde esse ac si trucidentur*. Id licet Celsus improbet, constat tamen ex suis verbis eum in ea re oppidò fuisse circumspectum. Semper enim apud ipsum legitur, *quòd si vires agri patiantur, sanguis mitti debet*. Monet & venæ incisorem Aretæus (4), *ne multum sanguinis detrahatur, licet à principio fecerit; phreniticis namque malum est in syncopen facile mutabile*.

(4) Pag. 73.
Edit. Bochartii.

I V.

Xiv LONGE à recto deviare, qui sibi in animum induceret, cassam hanc veterum formidinem, totumque curationis apparatus horum potiùs ignorantie debere, quàm prudentie. Quippè qui aliis in casibus, multò sanè rarioribus, quàm vulgò creditur, usque ad animi deliquium sanguinem effundebant. Verùm tantam vitium rationem habebant, Naturæ decertantis motibus & ausis fidebant tantum, ut potior ipsis cura semper foret, non solum eas conservare, sed & ipsas oblato cibo juxta morbi typum recreare & confortare. Adverterat autem febrile incendium, delirii agitationes, vigilias assiduas; identidem cibi fastidium, & potùs horrorem, qualè in rabiosa cane demoris observatur, poterat vires atterere; atque præter sanguinis jacturam repetitis venæ sectionibus opportunam cibi exhibendi occasionem elabi. Quapropter (ut ait Aretæus ibid. p. 77.) *si vinus evanescentibus, in sudorem liquecente homine, omnibus humoribus extrorsum impetum facientibus, tenore & spiritu fatiscientibus in syncopen prolabantur, tunc cura delirii posthabetur. Sed quum metus sit ne in vaporem humiditatemque homo dissolvatur, unicum subsidium vinum est*. Eadem mente venæ sectionem dimittebant, si ultra conveniens tempus, putà sexto aut septimo die, mentis emotio superveniret; ab Hippocrate edocti, multò antè indicationes in acutis morbis vacuandum esse, aut purgandum, aut aliis irritationibus utendum. Vires non labefactabat magis reliqua curandi methodus, tactus nempe capitis circa aures & tempora, membrorum frictions, ligatura, cucurbitule, fomenta singulis partibus nata, interna confortantia, urinam moventia, anodyna, quandoque & (5) narcotica. Sic convulsiones & spasmos procurabant, in quos ob siccitatem & caloris vehementiam nervos torrentem, phrenitici valdè labiles sunt; sic vitam asseriebant; sic morborum recidivorum & successivorum radicem rescindebant; sic ægris promptè & non laboriosè convalescere dabant. Quod optant, meherclè, sed præstant rarè, qui per morbi decursum sanguine corpus exhaurire non cessant. Qui à proposito non deterrentur temperamento, ætate, regione, anni tempore, morbi periodo, die, oculis ægrorum languentibus & depressis, ipsaque exangui & pallidà facie, cruoris penuriam attestante. Quidquod eodem remedio pari cum audacià uti non dubitant, si forsàn succensas mentes morbi recrudescentis furie agitaverint. Sed quod fidem omnem superat, fama est quosdam ex illis auxiliatoribus, sanguinis humani adeò esse avidos, tot ab illo emisso commoda sperare, ut stimulantibus & cardiacis robur in ægris mentiantur, donec penitiores recessus sanguine prorsus evacuaverint. Intereà aquæ potu, & tenuissimo victu ægros refocillant & vires sedulò rescitant, ne succrescens plethora vitæ fomitem extinguat. Deindè stupent quasi attoniti, si exinanito incassum corpore, idem protervè delirium permaneat; aut si mitescant soli furores & lethargus instet. Quam Therapeiam, si qui sequuntur faulti exitus, nedum artis in Naturam imperium & jura evincant, ut potiùs extra omne dubium ponant inconcussam efflati Hippocratici veritatem, *Naturam robustam omnia continere*.

(5) Affus ex
Sent. Philomæni.
med.

V.

IGITUR à ratione dejectos ad meliorem & placidam mentem certò certius non reducant sanguinis iteratæ missiones; at præcipuè cum nervi ipsorumque principium vitium in se contraxerunt: ueque etiam juxta Methodicos peccantibus

(6) Galen. in apologet. contra Iulian. cap. 6. Afclepi. ibid. cap. 14. p. 38. ad finem.

Prof. Alpin. de med. meth. lib. 2. cap. IV. p. 96.

(7) Ballon. Epid. lib. 2. p. 163. & passim.

(8) Afclep. apud Cael. Aurel. ibid. cap. 14. p. 38. item, &c. Ballon. ibid. p. 216.

(9) Cael. Aurel. ibid. cap. X. p. 25. principaliter, &c.

& alteratis humoribus. Sibi enim persuaserant humores non esse causas morborum, (6) eosque per se curationem non indicare. In quorum partes sine morâ iis transcurrentibus, qui experti sunt postillos, humoris educti qualitates varias, (7) & cum illis symptomatonicas evacuationes, non secus ac artificiales, nullum levamen attulisse. Mirum quippè est quamobrem hæmorrhagiæ, copiosi sudores & vomitus itidem copiosi (si sanguis, humores bilioli, tenuissimi virulentique morbos illos concitraverint) non multos juverint. Namque de phrenitico qui tertio die obiit, ita habet Hippocrates. *Phreniticus primo quo decubuit die, virulenta vomit, & multa & tenuia, febris horrida, copiosus sudor, assiduus toto corpore.* Et passim apud eundem ubi de evacuationibus symptomatonicis agitur. Sunt nihilominus quedam phrenitidis species, in quas pleuriticæ & peripneumonix mutantur, à quibusdam paraphrenitidis vocatæ, ut & in febribus phrenitides ab hypochondriis, quas accendunt inflammatio septi transversæ, & coærvatio sanguinis circa præcordia. Illas comitantur sensus quidam gravitatis & plenitudinis, dolor, tumor hypochondriorum & abdominis; urinæ pauca sunt, & crassæ, subjugales, febris acuta, atque ad superficiem corporis ascendens. In his audentiùs sanguinem mitti posse autumabant antiqui. Sed cum illa omnia morbos sequantur in quibus abundanter facta est ut plurimum sanguinis minutio, huic remedio nec diù nec multum superest insistendum; quod docebit prægressa curatio. Quin (8) & sæpè pro natura humoris coærvati, purgatione omnes illi motus compressi siluerunt. Sed (9) cavendum diligenter ne in consortium rapiantur nervæ partes, quarum tumultus difficilissimus quiescent multò, quàm commotiones quas obstructio ab humoribus commisit. Nam tunc afflictus sensus non restituet in integrum, convulsa membra, interiùs sursumque retracta præcordia, spasmodicè vexatum ventriculum ductumque intestinale non demulcebit, immodicum alvi fluorem non reprimet, urinarum salutiferam scaturiginem non referabit, læsæ imaginationis phantasmata non delebit, injussos animi motus non pacabit, sanguinis millio. Tantæ molis opus hoc organo perfici nequitquam posse testantur soli motus hysterici & hypochondriaci, quibus continendis frustra adnoveatur.

Ergò mente motis multum sanguinem detrudere non conducit.

DOMINI DOCTORES DISPUTATURI.

M. Hugo Capet.

M. Petrus - Augustus Adet.

M. Jacobus Barbeau du Bourg.

M. Joannes-Jacobus Mesence.

M. Carolus-Franciscus Theronide de Toulouse de Vallau, Eques.

M. Anna-Carolus Lorry.

M. Carolus Payen, Alidus Præses.

M. Tullianus - Guilbertus Boul-laud, Consultor Medicus Regis ordinarius in ejus Castellæ.

M. Gasparus Cochon du Pay, Regis Consultarius & in Arce Maritimæ Rappositorum Anatomæ & Chirurgiæ Professor Regius.

Proponebat Parisiis, CLAUDIUS - FRANCISCUS GRANDCLAS, Pontimussanus, Doctor Medicus Pontimussanus, necnon Saluberrimæ Facultatis Medicinæ Parisiensis Baccalaureus, A. R. S. H. 1750, à sextâ ad meridiem.